

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON
OPĆINSKI SUD U BUGOJNU
Broj : 46 0 P 124131 26 I
Bugojno, 15.09.2026. godine

Općinski sud u Bugojnu, stručna suradnica Gabrijela Zrno, u izvršnom postupku tražitelja izvršenja Nermin Duraković protiv izvršenika GRADNJA BOR d.o.o. Bugojno, Rostovska bb, Bugojno, zastupana po zakonskom zastupniku Haris Ohran, zastupani po punomoćnicima Esmi Husejnbegović i Safetu Rustempašić, advokatima iz Zajedničke advokatske kancelarije u Bugojnu radi izvršenja, v.sp. 13.500,00 KM, , izvan ročišta, donio je dana 15.09.2026. godine, slijedeći:

Z A K L J U Č A K
o prvoj prodaji pokretnih stvari

Rješenjem Općinskog suda u Bugojnu, broj: 46 0 P 124131 26 I od 10.04.2026. godine, dopušteno je izvršenje protiv izvršenika GRADNJA BOR d.o.o. Bugojno, Rostovska bb, Bugojno, radi namirenja potraživanja tražitelja izvršenja prodajom pokretnih stvari izvršenika.

Dana 23.06.2026. godine zaplijenjene su i popisane pokretne stvari izvršenika GRADNJA BOR d.o.o. Bugojno, Rostovska bb, Bugojno, te se

1. Određuje prva prodaja pokretnih stvari izvršenika:

R.br .	Opis popisanih stvari	Kom.	Vrijednost
1 .	Raskrajač sa predrezačem – višenamjenska mašina, marka SICAR EXPRESS 3200 B	1	15.000,00 KM
2.	Presa za sobna vrata, marka BP DI BAIONI G PAOLO	1	10.000,00 KM
3.	Raskrajač sa predrezačem – višenamjenska mašina, marka KAMRO, zelene boje	1	15.000,00 KM
	UKUPNO:		40.000,00 KM

i to putem usmenog javnog nadmetanja na dan 27.10.2026. godine (UTORAK) , u 9:30 sati u zgradi Općinskog suda u Bugojnu, soba broj 3.

2. Konstatira se da je vrijednost pokretnih stvari iz točke 1. ovog zaključka određena zapisnikom ovog suda od dana 23.06.2026. godine u ukupnom iznosu od **40.000,00 KM**.
3. Najniža prihvatljiva ponuda po kojoj se predmetne stvari mogu prodati na prvom ročištu za javno nadmetanje je 70% utvrđene vrijednosti, po jednoj stvari. Početne ponude za prvo ročište na iznose manje od 70% utvrđene vrijednosti neće biti razmatrane.
4. U javnom nadmetanju kao kupci mogu sudjelovati samo osobe koje su prethodno dale osiguranje, koje iznosi 1/10 utvrđene vrijednosti pokretne stvari koja je predmet

prodaje, s tim što ne može iznositi više od 10.000,00 KM. Osobe koje sudjeluju u javnom nadmetanju dužne su prije početka ročišta Sudu predati dokaz o uplaćenom osiguranju. Osiguranje se polaže na depozitni račun Općinskog suda u Bugojnu br.: 1011300000295629 kod Privredne banke Sarajevo, sa naznakom broja predmeta.

5. Ponuđačima čija ponuda ne bude prihvaćena osim za tri najbolja ponuđača, osiguranje će se vratiti odmah nakon zaključenja javnog nadmetanja.
6. Ponuđač s najvećom ponudom dužan je platiti cijenu 7 dana nakon objavljivanja rezultata ročišta za prodaju. Ako to ne učini, drugi ponuđač bit će proglašen kupcem i dužan je platiti cijenu koju je ponudio i tako redom;
7. U slučaju da ni jedan ponuđač ne plati cijenu, Sud će na zahtjev jedne od stranaka oglasiti da ročište za prodaju nije uspjelo, a stranka može, u smislu odredbe čl. 131. st. 3. Zakona o izvršnom postupku („Službene novine F BiH”, br.: 32/03, 52/03, 33/06, 39/06, 39/09, 35/12, 46/16 i 19/25), u roku od osam dana tražiti zakazivanje novog ročišta;
8. Ukoliko ni jedna stranka ne predloži održavanje novog ročišta za prodaju u roku iz tačke 7. ovog zaključka, ili ako se stvari ne uspiju prodati na drugom ročištu, Sud će, u smislu stava 5. navedenog člana, obustaviti postupak;
9. Ovaj zaključak o prodaji bit će objavljen na oglasnoj ploči Suda, a tražitelj izvršenja može ga objaviti i u javnim glasilima o svom trošku.

Stručna suradnica

Gabrijela Zrno

Pouka o pravnom lijeku:

Protiv ovog zaključka nije dopušten pravni lijek.